

Ngadani Bêndungan Tambak Agung, Pigeaud, 1953, #1457

Katalog : Ngadani Bêndungan Tambak Agung, Pigeaud, 1953, #1457

Sambung : -

Ngadani Bêndungan Tambak Agung

1. Kinanthi

1. awit saking karsanipun | Jêng Gusti Pangran Dipati | Arya Amangkunagara |
ping sakawan kang piniji | mirungga ajudhanira[1] | jêng raja nagri Walandi ||

2. Ridêr ing Ordhê satuhu | Nèdêrlan Sêleyo nami | kolnèl myang komandhanira |
lèsiyunipun pribadi | ing nagari Surakarta |

--- 2 : 2 ---

têlênging karaton Jawi ||

3. bilih mangke karsanipun | yasa bêndungan banawi | wontên dhusun ing
Maguwan | tanah Sêmbuyan kang nginggil |[2] supados ing toyanira | lumèbèr
mring têngal sabin ||

4. karsa kang makatên wau | sèstu dadosakên sami | bingah myang panuwunira
| abdi dalêm among tani | wit wêwah pasilanira | marakkên rèh kang basuki ||

5. mila ing dintên winastu | Jêng Gusti Pangran Dipati | Arya Amangkunagara |
kadhèrèkkên putra kalih | Jêng Pangran Gôndasuputra | lan Gôndaatmaja ari ||

6. nyalirani karsanipun |

--- 2 : 3 ---

ngawiti anambut kardi | masang banoning bëndungan | kang tumrap dhasaring
warih | sarta mawi kajênengan | wakil jêng gupêrmèn kalih ||

7. jêng tuwan ingkang sinêbut | K. A. L. Y. Yèkêl nami | residhèn ing Surakarta |
lawan kangjêng tuwan malih | Van Ordhên ing namanira | asistèn ing Wanagiri ||

8. lawan pra administratur | dê mang rô ngga lawan naib | sadaya bawah
Sêmbuyan | kang supados pandamêling | bëndungan gya kalêksanan | rampung
ramping mikantuki ||

9. makatên ing karsanipun | jêng gusti anyalirani | dados sokur bingahira |

--- 2 : 4 ---

saguning kang para abdi | tanah Sêmbuyan sadaya | ciptantuk barkahing Gusti
||

10. dèntên mangke kang tinuduh | kapitados ngundhagèni | panambute ing
bëndungan | abdi dalêm Tuwan Portir | pangagêng ing Eramaka | lan Dê mang
Pôncajahnawi ||

11. kang bantoni karsanipun | bawah kapanewon kalih | Giritôntra Baturêtna |
kabayar kados galidhig | mila sagung narakarya | tan wontên mingkuh ing kardi
||

12. dumadi wadya sawêgung | samya ngaturkên basuki | miwah muja
kastawanta | ingkang mugè kangjêng gusti | pinanjangna yuswanira |

--- 2 : 5 ---

kadugèna kang kinapti ||

13. winantua nugraha gung | myang kamulyaning dumadi | sumrambah mring
garwa putra | wayah buyut sapawingking | lulusa darbèni praja | pinundhi-pundhi
salami ||

14. titi panitrining têtmbung | nujwari Salasa Paing | tanggal kaping tigang dasa |
Rêjêb Dal sangkalèng warsi | muji kumbul sariranta | Jêng Gusti Pangran Dipati ||
[3]

ajudanira (dan di tempat lain). (kembali)

§ Tlatah Sêmbuyan inggih punika Kabupatèn Wanagiri Mangkunagaran ingkang
sisih kidul. (kembali)

§ Taun Jawi 1807, taun Walandi 1878, wulan Juli. [Sengkalan: muji kumbul
sariranta Jêng Gusti Pangran Dipati (Sêlasa Paing, 30 Rêjêb 1807 A.J., Rabu, 31
Juli 1878 A.D.)]. (kembali)